

玉壺詩稿

二

番外書冊

|     |        |  |      |
|-----|--------|--|------|
|     |        |  | 和書門類 |
|     | 二六二〇二號 |  |      |
| 六九函 |        |  |      |
| 一一架 |        |  |      |
| 四冊  |        |  |      |

|      |        |  |     |
|------|--------|--|-----|
| 庫文閣内 |        |  | 和書類 |
| 二六函  | 二六二〇二號 |  |     |
| 三架   | 四冊     |  |     |

|      |         |
|------|---------|
| 内閣文庫 |         |
| 番號和  | 26202   |
| 冊數   | 4 ( 2 ) |
| 函號   | 206 23  |

詩集



玉壺詩稿附錄諸大家詩稿

嶺南 木貞贊君恕 輯

淺草文庫

貞贊不佞家世僻在寒鄉目未覩上都巨麗  
足未躡播紳先生門幼不自量唯詩是嗜旁  
求當世諸名家詩珠玉無脛而至於千里之  
外每得一管亨之千金數年所得諸家諸體  
數百篇累二子几案之間貫誦之飄然如置

身於諸君子宴席之間旦暮遇之抵掌談笑  
稍二以爲小人抱璧其罪家畜非常之寶瞿  
瞿然不遑寧處嘗有意於繕寫傳一不朽近  
及得蘭臯先生玉壺集校而梓之時予時不  
可再得今而不果他日憾何及遂輯錄附于  
玉壺之左方此稿自

令藻暨公卿諸侯貴介公子佳什  
至搢紳先生書生墨客武人逸民處士老圃  
諸篇前後不次冠履錯雜隨得錄之海內諸

君子觀而將曰朽與不朽吾之有何依人不  
朽之爲又或曰魚目混夜光蒹葭倚玉某愧  
在某前某愧居某後然弄磧礫拾珠玉沙之  
汰之諸君子在焉贊也齷齪一農夫菽麥不  
辨詩之佳惡吾何敢顧天下之大寒鄉窮里  
必當有如賁者傳之其人欲使如同置身於  
諸君子宴席之間旦暮遇之抵掌談笑敢非  
當大方之觀云元文戊午秋九月木貞贊識

八島懷古

桂義樹

名三郎左衛門

海門風浪怒難平。此地曾屯十萬兵。金鎬頻飛魚鼈窟。樓船空係鳳凰城。宋帝遺臣迷北極。周王君子悉南征。不識英魂何所處。月明波上夜吹笙。宮車一去帝王州。大海風雲寄冕旒。井底有緣還玉壘。水濱誰復問膠舟。舞姬紈扇隨潮下。飛將彤弓學月流。那識寒烟衰草外。幾人曾倚望鄉樓。

丁未元日

室師禮

名直清 号獨巢

祥雲瑞日向時和。豪氣未灰彈劍歌。滿架絲絀窓映

雪半池。羅穀水生波。人間老自新年至。天上春從閏月多。七十侯嬴今白髮。信陵公子奈君何。

中秋無月

雨伯陽

名東号芳洲 雨森東五郎

灝氣蒼茫暮色浮。誰教明月暗中流。透簾燭影千家靜。泣露蟲聲四壁愁。望斷天峯難命酒。興闌武鎮怕登樓。半鐮茶冷坐長夜。應惜枉經一度秋。

送天門慧寂之西京

太宰德夫

名純号春臺 太宰弥右衛門

別君楊柳陌。楊柳亂如絲。似關離別若。莫遣春風吹。

過邊了上人不遇

全

雨過東林花正飛  
虎溪綠水染麻衣  
主人入定無時出  
不管淵明酩酊歸

落絮歌

小野玄林

号東谿

春風吹落絮飛入  
未央宮妾心如落絮  
絮無賴倚春風  
蘭皋木君有東都送白華翁西歸兼懷余之作

以此酬之

冲孝寬

号南溟  
冲野市即右衛門

海風吹雪天地黑  
白華仙翁翩二還  
舉盃對客說壯遊  
萬里山川指顧間  
我亦曾經武陵城  
此翁高標不可攀  
但記裋帷汗雨地  
十季一聞足解顏  
蘭皋先生

不羈才頃來七言正破的  
送翁之還又寄我新詩比  
事何歷二情致綢繆同氣  
中彩筆光射三千尺嘉隆  
骨格今復見建安風軌誰  
能敵更聞燕趙悲歌客慷  
慨相逢共琴尊千載大史  
遊名山妙年何必臥文園  
丈夫隆會各有處看君六  
翮九霄翻東望江雲空長  
歎世上悠二未堪論

詠史

石叔潭

名之清  
石川十次郎

大澤龍蛇起澤中  
龍蛇驅沐猴何獲二振臂  
自累愚戰逼屠乃翁乃翁  
心不娛西顧為隕涕隕涕  
心恨紆

彼蒼者天兮猶哀二子孤

巖穴無結構

全

巖穴無結構行二鳥道長寒泉靈液滴密樹翠屏蒼  
朝補芟荷服夕憑蘿薜牀思人不憚險尋跡或登岡  
窗鎖幽蘭馥扉臨明月光冷飈何蕭颯節操一悠揚  
心降身未遂願與子同疆

送石叔潭之張州

雁子方

名正長  
鷹見三節夾衛

白馬翩二過隙長吳門練影日生光坐中賓客題鸚  
鵡筆下樓臺脩鳳凰祿食當年頻謝病壯遊何地不

專場秋天遙夜若相憶萬里好傳大國香

贈大凡子

全

漢代久稱藝苑雄翩二彩筆照江東燕臺上客君今  
在豪氣還餘小許公

訪大凡子

磯長博

名  
磯谷三太夫

家鎖蓬蒿車馬稀空庭獵二吹晴暉牛門楊柳含春  
色江上酒盃與世違賦就仙郎歌白雪書成才子滿  
青衣知君遙過高陽侶自愧人間名路非

題莊子像

滕東壁

名煥圖  
安藤仁右衛門

應嫌物論互紛拏  
遲日漆園苦著書  
隱几未知身是蝶  
臨濠解道子非魚

奉謝木君訪問

嶺文谿名嶺川三折

烟雨山溪遶華門  
憐君杖履印苔痕  
天公正與詩家否  
月照半樓簾裏翻

中秋遊吉田生水閣

出敬迓名伺齋

秋半今宵月一輪  
天下明青眸并四  
美白髮數千莖  
江上清風透閣中  
涼氣橫吟餘醉賞  
裏心遠入蓬瀛

夜燕聞樂

全

厭二夜飲幾時醒  
春酒留連斟德馨  
萬舞華音玉樓發  
砧針俗耳遣沈冥

元日雨

全

雨帶輕寒斂彩霞  
風將梅柳扇微和  
腐儒衰晚拙生計  
遮莫向陽酒債多

奉留別木蘭亭先生

喬惟寧名橋本正平

雨霽燈前興復新  
風清檻外月懸輪  
看雲對月一杯酒  
那似今宵同故人

和蘭亭木君九日之作

福昌言名号宦渚

重陽風色爽落木日蕭二彭澤千秋古龍山萬里遙  
樓臺多美酒詩賦醉清霄未有黃花發柱香雲外飄  
怨服散  
晁興名

春日郊遊

天信景

号白華園  
天楚治部

林頭霞簇曝華錦塘下水清灌柳纓一路翠烟杏村  
暖閑懷支杖看春耕

春日城中寓目

德良弼

名  
德力藤八

日照天門四望開皇州春色鬱蒼哉金莖迥對蓬萊  
出紫氣高從閭闔來馳道花深龍馭轉仙臺雲擁鳳  
笙催不知漢帝震遊地倍宴何人作賦才

春江曲

岡兼好

名其  
岡井郡大夫

渺二春波夕照微白蘋風起鳥雙飛曾攀楊柳江橋  
上揚桺掛絲人未歸

雪晴

岡長祐

岡十

城門積素映清晨縹渺晴光度檻前畫裡芙蓉人對  
酒鏡中剡曲棹知津一庭地白非關月萬樹花明不



待春誰起千秋詞賦客梁園消息久黃塵

次韻答蘭皋君

野俊明 号鳳秋  
久野彦八

關西將種盡雄豪昔日築壇秉節旄故國兼存喬木  
美中原曾歷出師勞楚材多雋老三署潘椽徵文媿  
二毛契濶尋思如命駕知君能賦可登高

和答蘭皋木君

源京國 名義治  
九津見吉左衛門

春雲五彩蒲蓬萊飛鳥翾二西北來百里結交相對  
酒一時握手共登臺玄虛賦海文辭富鄒子入梁名  
姓開懷裡明珠明月色因君更見暗投才

寄公遠木君

全

渺茫海氣夕陽前濤捲雪山天外連知爾高樓縱觀  
後賦成傳誦木華篇

江南曲

全

春風牽夢柳塘西使妾中宵覺又迷惡見蘼蕪江上  
草小郎未返已萋

同蘭皋先生飲城東酒家 山泰信  
号名安誠  
玉壘

高掛酒旗東海隈壚頭有客謫仙才遙看五彩蓬萊  
氣人認青蓮采石來

答筒蘭澤二首

亡名氏

夕日樓臺一望開，悠然江水自東來。登臨此處獨惆悵，牢落誰知王粲才。

楚才抱璞淚班班，長缺十年猶未還。此地相逢皆失意，江山日夜望鄉關。

次夢澤井君寄示韻

灑維賢 字用拙子 灑尾源兵衛

伏陽堪仕隱，騷趣共相憐。江館梅花早，汀舟霞色懸。鳥啼林暖處，草短雪班邊。桃綻清明節，素書為我傳。

飲某氏池亭

中南來 字五絃 中村清兵衛

月出蒼龍口，風迴綠樹林。已消三伏暑，頻動四愁吟。逸氣持螯興，醉來投轄心。遙看河漢色，曉露一將深。

遊三山即興

尾有字 名正數号東山 尾見與兵衛

臨水三山碧，作屏波涵黛影。一江青狂吟，未似濯纓客。逸興還疑遊洞庭。

袁州藤志水見過賦贈

全

山色依二遲，日新相逢共說昔。時春不遠雞黍舊，年約清話開襟對故人。

採蓮曲

池桓 字子圭 小池伊兵衛

行採芙蓉越女舟若耶溪上不勝秋晚來風起鏡湖  
月一片錦波帶客愁

歲除

緒方宗哲

心閑身靜榻間新門外紅塵不我于梅逕吹香陽脚  
至竹簷向夕雪聲乾窮多還欠送窮字老極何尋却  
老丹人事歲華嗟嘆了明朝憂喜又開端

題長谷寺

關德亮

字友玄

白毫光裡碧山浮眼入宵冥烟樹幽花繞高廊春晝  
靜雲連重嶺翠微脩化城豈有世塵染淨境每看天

女遊長谷橋頭解何事一條法水日悠二

奉謝木井二君見訪

左元凱

名凱字崔阜  
佐三木才八

雨雪三冬暮柴荆二仲過新醪浮蟻色以可慰蹉跎  
元我甘袁卧因君和楚歌醉鄉長樂土莫問夜如何

奉寄蘭皋君

全

當時才俊若雲屯詞賦看君擅免園萬卷樓高奎壁  
煥六梧屋古鳳凰騫退公自植東籬菊延客常開北  
海尊別後蓬蒿華髮老相思虛感禘袍恩

次木公達贈示韻

全

伏枕秋深竹樹林一尊握手對清陰燕臺無復黃金  
色鄧調誰知白雪心此處乾坤容睥睨由來天地有  
浮沉可堪抱膝當年恨因爾重爲梁甫吟

明妃曲

全

奉詔粉黛出柔明驕虜翻然齊卷旌誰道妾身當百  
萬胡兵元不當天兵

塞下曲

全

鐵騎長馳西逐戎青袍白羽紫彫弓一呼須縛左賢  
去天子明堂坐數功

洞房曲

全

華燭影濃寶篆香夜深金帳鎖鴛鴦嫦娥似羨合歡  
好明月偏臨玳瑁梁

還若耶後作

全

轉蓬千里客征旆一朝歸山是曾遊處水猶舊釣磯  
烟霞縱可寄松菊賞無違最喜雙親健長堪舞彩衣

歲晏感懷五首節三首

全

推移何倏忽又見一年徂處世無長策浮生多畏途  
微裘倦遊久鳴鋏和歌孤宛洛朋交滿夢回舊酒壚

水雲作暮景衰颯總堪憐  
世事水東去鄉愁斗北懸  
無人和白雪何處奏朱絃  
枉作長沙客應同賦鵬年  
東海乘槎去崎嶇路復難  
祇緣萍梗久蚤覺鬢毛殘  
和璧三年泣吳鉤獨夜看  
王陽已陳跡誰爲問彈冠

寒食書懷

田采蕙

号雁蕩  
田中定之右衛門

城頭寒食自飛花  
不奈風光照鬢華  
劍佩對春猶未  
脫羨看過雁伴烟霞

奉寄蘭皋先生兼贈夢澤井君

澤元喜

大澤助藏

三月烟花滿帝畿  
春情旅思共依二天涯  
兄弟書猶隔鄉里  
山川夢忽歸岐路東西空  
偃蹇雲霄早晚更  
雄飛寄言舊社諸君子  
或恐交遊別後違

歲晚留別諸子

共言志士惜流年  
落魄無人不可憐  
別後相思屋梁  
夢多飛詩酒祖筵前

送澤君仲長還張

石正恒名

傾蓋論文欲入玄  
歸心何事忽揮鞭  
山東英妙人爭  
識谷口經過興屢牽  
積水雲漂舟泛二古關  
風落雪

翻二憑君借問梁園客麗藻誰同授簡年

白紵歌

元文邦

名維寧  
号淡淵

嬾娃銀燭月復光黼帳參差影焜煌二八齊容樂初  
張起舞蹁躑工整裝白紵翻雪復飛霜嬌之纖腰曳  
綉裳徘徊歛手立中堂急管更進新聲長蟬連詰屈  
紛不常投袂應節入洞房密坐含情夜未央願言池  
上雙鴛鴦能及盛年莫相忘重陳嘉祥傳羽觴

宿山寺

全

上方夜色正徘徊飛塔月登沙界來山擁深林清磬

響天懸危卒佛燈開香烟遶定驪龍窟貝葉翻經白  
馬臺坐久偏知不染境誰言心地竟難灰

寄石叔潭

全

青牛一自度函關紫氣翻二猶未還縱是蓬萊丹可  
煉如何東海赤城山

送鶴臯子歸若耶

松秀雲

松平太昂若衛門

懷昨芙蓉原上遊玉人按笛倚青樓如今歸去江湖  
地春盡人間花鳥愁

漫興

富逸叟

号桐江  
老人

納未處晏伏陽城羸馬此心自不平江海難傳黃耳  
信乾坤自許赤驥名登樓萬里悲王粲作賦幾年愧  
馬鄉日暮窮途愁欲問高天豁達一無聲

八月十四夜泛舟得飛字

井氏

号天目山人

欲賞望前月停舟云未歸潮平鷗鳥睡雲斷桂萃飛  
被酒增狂態放歌立釣磯縱無絲竹盛孰若宦情非

送山蘿城歸攝江

藤本弘

藤門治兵衛

客邸秋光已欲闌疎二楊柳送征鞍故人西入攝城  
去獨對林頭夜月寒

大堤曲

亡名氏

東風路上鬱金香白馬銀鞍向夕陽樓上繁絃聞不  
盡無端醉殺紫微郎

○秋夜宿千妙寺閣

亡名氏

琳宮日落暮烟橫畫壁燈懸象外明水積寒潭澄夜  
色鐘流遠樹動秋聲諸天雲盡星文亂千嶂雨收嵐  
翠清偏覺上方群籟寂心持半偈坐深更

放歌行

石正猗

号築波山人  
石鳥與布衛門

莖家兒氣食牛蚤歲執戟干諸侯自擬避世侍金

垂寺高附錄

十四

序

馬騶快哉復何求  
滑稽不窮非其志  
弱冠拂衣事遠遊  
更變姓名入京洛  
何似張祿入秦年  
不羈深信司馬遷  
壯遊屢探天下勝  
半年足跡路八千  
飄忽晦迹東踏海  
世上風波總茫然  
狂態不從計然策  
家徒四壁貧可憐  
羊裘釣竿心所欲  
扁舟日與白鷗親  
長隨烟波忘此身  
人世應須從所好  
遮莫海畔逐真人  
今秋予再過張井君  
及令郎君  
話舊悲喜交集  
井君有詩和答之

全

昔年流落入京師  
脫厄恩深彼一時  
久別論心無淚

盡再逢乘興失歸期  
却談廣柳車中事  
更弄明珠掌上移  
今夜高堂詩酒宴  
如何當日髡鉗悲

岐岨中作五首

全

宮堯諸嶽逼蒼穹  
百丈懸崖一徑通  
機畔暗雲來急雨  
峽間暮色起悲風  
極天鳥道連山外  
傍石人家折水東  
令尹唯今相望切  
誰教紫氣滿關中  
有福島  
此地愁哀殺氣氛  
停鞍試誦李華文  
澗聲近傍古城落  
嶽色高連殘壘分  
兩岸啼猿悲返照  
一行迷雁帶歸雲  
山中父老迎人說  
霸業空傳旭將軍



逢萊何處彩雲間  
 釣客昔乘鼈脊還  
 玉匣老來驚白髮  
 石床夢覺改紅顏  
 斜陽明滅千湍急  
 古木動搖一壑閑  
 蒼嶼試將探踪跡  
 紫烟依舊鎖仙寰  
寢覺床

氣晴峻嶂出青巔  
 推上崔嵬入洞天  
 碧嶂平分巴月落  
 彩霓倒懸峽雲偏  
 無緣棧道羨飛鳥  
 欲向石門學羽僊  
 行盡前溪人不見  
 樵歌忽聽晚烟邊  
淺間作


大嶽削成十二重  
 翠屏羅列歷群峯  
 千年老樹栖黃鶴  
 百尺飛流掛白龍  
 星落時看天狗舞  
 雲低常護異人蹤  
 真靈地古多祥景  
 東海誰言無岱宗  
妙義山

服子遷宅集感秋得家字 全

高樹秋聲起蕭條  
 暮景斜行藏時易失  
 搖落感愈加書為窮  
 秋著劍因意氣謔悲哉  
 避俗日未遇一朱家  
 秋日過美仲兄弟時美仲有疾 全

寫懷十首節三首 全

東關千里餘吾有故田廬  
 歸去唯高枕興來自把耒



逐輕六國印欲設五車書  
酣飲誰中散狂歌是接輿  
寂寞一荒村更無俗物喧  
青山當竹牖綠水繞柴門  
談舌澁如鴉醉顏笑似猿  
淳風人朴固不減武陵源  
養拙有寬地出門弄晚晴  
山因吹笛靜水爲濯纓  
清四壁堪容膝一尊聊遣情  
欲修經國業辟易幾書生  
贈妓懷仙閣集 全

新聲令客釴曲二轉堪憐  
纖手潔如玉停箏續斷絃  
越君瑞懷仙閣集分賦公子行 全

金勒彫鞍白玉韉  
平明挾彈渭橋邊  
醉來欲向垂楊路  
春遍五萃驕不前

舊宮人二首擬晚唐體 第一首

全

離宮天樂日紛二一嫁  
人間掩淚聞還恨  
長門秋雨夜千金不用奉文君

壬子冬歸田廬時止酒 全

五柳依然對主人  
今年空負菊花新  
臘前無意問家  
臘歲晚蕭條頭上巾

懷倉美叔賦贈十首 第一首 全

天半芙蓉大海東  
蘆花照出玉玲瓏  
知君更盡千鍾酒  
直向中原吐作虹

重答高生見寄二首

島歸德

名鳳卿字錦江  
鳴鳩通德

郢里重投白雪篇  
楚才還信老夫傳  
秋風松桂人之遠  
歲晏琴尊獨自憐  
一郡斜陽江色合  
千山落木水聲連  
轉知意氣緣君發  
直把芙蓉欲倚天

玉樹慘悽海氣侵  
萱花洲北更蕭森  
座前榻待故人下  
肘後方從道士尋  
風竹朝敲生虎嘯  
水樓夜卧起

龍吟虞卿頃日無書著  
漫取幽懷附素琴

和答某人秋夜見懷

平義質

字子彬早所溪  
三浦平大夫

溪居元湫隘  
山館自崢嶸  
特立清狂質  
誰爭風雅名  
應開三徑菊  
叵掃滿籬前  
書劍俱壯歲  
二毛尚未生

雪

江禧

字子永号清溪  
三輪幸大夫

昨夜山陰四望遙  
霏二雪片下雲霄  
春來忽訝梅花落  
風起還看柳絮飄  
投簡誰傳梁苑賦  
揮毫聊和郢中調  
可憐千載子猷興  
鬢猶今照寂寥

陪蘭皋華嶽二先生小飲 全

滿眼風流指掌間  
樽前握手解紅顏  
荀陳此夜相逢處  
星斗闌干不可攀

奉和蘭臯君

林文清 号百川

上林詞客長卿才  
何計相逢同酒杯  
莫怪調高傾四座  
千秋獨立一琴臺

恭謁神戶侯奉呈

山麟嶼 山田大介

冰簟玻璃盞華堂  
六月秋不才  
今日遇何以謝君侯

海畔月夜

南景春 南部豐三郎

波濤千里靜島嶼  
月中看潮擁瀛洲  
濶星臨碣石寒

漁歌風裡響  
蜃氣渚前殘  
立望扶桑曉  
枝二露未乾

客中

丁忠利 字致身 寺町孫四郎

萬里江山日欲沉  
蹉跎十載客中心  
離騷誦罷堪生感  
因憶逐臣澤畔吟

閨怨

全

長門宮裏思悠悠  
二燕子雙飛偏惹愁  
力病裁成團扇賦  
百年身世與雲浮

宮怨

全

明鏡影空誤曉粧  
美恩誰帶御爐香  
長門欄外李花

雨還恨春深宮漏遲

客中書懷

百卉飄零葉二黃菊花獨傲夜來霜  
客中秋色都無賴千里江山奈望鄉

竹山東

名竹腰丈左衛門

秋夜漫成

白雲目送望鄉情幽獨擁衾對月明  
往事關心眠不得愁聞唧唧二草蟲聲

馬意信

名馬場伴大夫

逢俠者

常遊邯鄲事驕奢寧厭千金擲酒家  
大道縱橫向人

村馬六

名策寺村平二郎

道腰間劍欲斷龍蛇

醉中漫成

疎慵何所作滿酌我無辭醉後狂愈發  
任情漫賦詩

鈴子都

名鈴木金左衛門

塞上曲

轅門鐵馬嘶秋風中夜霜飛滿大弓  
胡角夢回刀月避人猶望玉關東

葛應禎

名

咏大凡子

丈夫縱失志寧可老風塵擔釘年二  
密庭梅歲二新蟲魚十萬字握筆不知  
負小婦能釀酒大兒能採薪

井慎

廣澤細井次郎大夫

眼前如此樂堪稱，葛天民信口言詩短。高吟驚四隣，詩聲吾獨解，不敢聽傍人吟罷。曳筇出和風吹角巾。

初日卒賦呈某公

源基長

松泓 小笠原大貳

旭景連雲起，朝陽拂霧開。斷霞鶯影度，流彩雁行來。黃道龍光合，丹翬鳥翼催。儻蒙廻一顧，願擢英才。

早春殘雪

源長英

松泓男 小笠原源太夫

風止照霞彩，彫瓊減夜寒。梅飄餘片積，日墮晚天殘。曲檻霜凝砌，疎篁玉碎干。已聞三徑好，猶可訪袁安。

奉次關翁和尚韻

高玄岱

字子新 深見新右衛門

嘗謂少時過日，久老來容易換。年華護寒帽底，猶添雪遲暖枝頭。已著花地，故東溟萬水注天迴。北斗兩垣斜，小民也。劬野人意，敢賦新詩祝太華。

次夢澤井君懷故園之作

葉日洞

名千葉小八郎

官廳隣帝地，韶景實堪憐。倚几新地穩，有書舊僚懸。客情浮燭下，鄉志繞梅邊。欲寄洛陽美，應教歸雁傳。井夢澤君嘗客京師，一旦因病歸故鄉，東西索

居乃賦此寄示

松隱

名下條見英

常恨勝緣參與高，綿二胸思欲言長。清樽同酌又何

日惆悵獨望天一坊

閏九月十三夜陪槐庭松山有詩聊次其韻

山芝岩名  
山科道安

桂華日二曝秋陽影落槐庭白露香添得三分分外  
色天工刮垢且磨光

和夢澤先生之韻兼奉三玄洲先生

平蘭溪名  
平野甚左衛門

燈花點二逐更開時聽海雞處二催  
贈彩毫偏勞右軍才

群鵝為相

昇平詞

滕顧言名  
時年十五

帝里祥雲五色開笙歌日夜起瑤臺鈞天人醉太平  
樂明月影浮白玉盃

出塞曲

全

鐵馬金鞍發帝京胡兵夜合白登城丈夫直斬樓蘭  
首當取麒麟第一名

懷仙閣小集同用深字

守秀緯

壯會真難得高談睨古今陽春無和曲流水有知音  
玉斗瓊醬滴瑤笙仙閣深雄風聊可賦此處好披襟

和申太夫源公濱松城作

木寅亮

木下平三郎

神君提劍鎮秋津正是唐宗漢祖倫甲越梟雄猶畏  
虎遠參熊士悉攀鱗高舫番舶通南海牧笛樵歌接  
北隣勲業全同周室興振二公族比吁麟

中秋對月有感

全

朝雨拂埃天宇新蟾輪洗出十分均寸陰尺璧猶通  
曉一刻千金復勝春表渚庾樓多少興鮑詩謝賦古  
今珍豈思去歲團圓會荆樹堂前獨欠人

九月十三夜望月

全

已過中秋圓月情復看今夜八分明子安作序年當  
數方朔學書齡足并節餒菊萸猶在度時供芋栗忽  
鳴鐺由來天道虧盈滿卻愛謙光到五更

謝雨芳洲惠筆

全

萬里海天傳雁魚數枝鮮筆越璫璵墨池揮穎烟雲  
起楮國寫圖山水舒可準湘東三品管欲渝魯直一  
床書先君門子今無幾多謝故人情不疎

采蓮曲

高懶齋

遙見沼池波浪動新荷深處小舡通美人分葉隔花



玉壺詩集  
語返照西山落日風

送石仲綠還筑波田廬

平子和  
名、号金華

回首風波世上漫  
敝裘歸去釣磯寬  
如雲匹練絹川水  
誰作吳門良馬者  
絹川在筑波山下

奉酬源松泓見寄

垣内仲凱  
垣内千庵

東都桃李場落花雪漫  
二遠遊歸心切豪興吟情寬  
睨睨鶯語滑終日倚竹欄  
瞻望道阻脩夢醒月影殘  
偶獲新長詩燈前仔細看  
僑居夜寂哉門無車馬來  
起步深川畔西顧獨徘徊  
富山遠相見絕頂宿雪堆

綠草池頭生鴻雁  
復北回時見白玉京  
河漢徹底清學道不他求  
唯要靈臺明鮭菜供晚酌  
故舊尋祝盟江湖升年際  
不為錦旋榮操觚好為文  
不覺露不平生意今津二  
岸上柳髮勻尋共茲獨往  
把盃憶玉人飛花懸蛛絲  
鳴鳥載樂春雙鯉遠州到  
厚情慰吟身庶君加餐飯  
吏務全道真

病中簡伊處士

仲文輔  
仲村友八

搖落蕭條倚水樓  
抱疴幾度度悲秋  
憶家千里夢龜遠淪跡  
百年去就愁世態無端  
成市虎人間何處見

全牛庸夫今日須高枕但便

難薄遊

陪 日光大王於大慈院觀懷素千字文

倉立大

名景種  
朝倉孫六

鍾王謝去獨李陽蒼古千年潤墨光神領鄔彤叙脚  
方夏雲變化忽無常

送尾正數歸三河

全

十載索居如恨何更驚歲月似奔波明朝分手東西  
去雲樹遙望天一涯

明妃曲

關範良

号巴丘  
関戸藤次郎

胡沙漠二北風寒回首漢宮月色闌翠黛紅顏香零  
落哀絃曲盡涕難乾

楊柳枝

全

蕙帳寵裏鬢帶霜風烟吹絕御爐香夢成夢覺孤燈  
下萬恨無端秋夜長

奉送黃使君之東武

須慮夫

名安長  
号精齋

送君城上曉霞中旌旆拂雲氣壯遊四月青山海東  
道風光爲擁五花驄

石君寄書見懷賦一絕奉謝兼奉簡黃君

玉蘭詩補遺錄

全

亭

翻二飛雁落雲端秋興幾回憶舊歡此夜諸君明月  
下西望酌酒倚樓看

寒食

全

寒食今年在客中獨望江水思忽二窮郊二月無人  
跡堤上柳條烟未通

中秋病中作

祇伯玉

名瑜 祇園與一

天晴香霧碧氤氳抱病沈吟夜已分滄海月空窓外  
望浙江潮去枕頭聞一生心事百皆悔四海交遊多

是雲歌管琴尊昔時興祇今唯照鬢絲紛

賦水邊流螢

全

孤飛長信殿萬斛景華宮夕飲芙蓉露曉流揚柳風  
只應伴岑寂何心上青空隨意清池上高低西又東

賦得春色

全

錦窠寶帳暖氤氳江北江南望未分化作朝來一片  
雨半如醉夢半如雲

對春月懷舊

柳三省

字魯甫 号滄洲

靄二春宵月依稀水上樓漸從花外轉還傍柳梢流

詩補遺錄

全

亭

清影無今古浮生有去留空添懷舊淚不照昔人遊

曉鶯

全

香霧冥二夜色深流鶯啼處月初沈無端喚起梅花  
夢故便春心滿上林

關山月

全

青海孤雲盡天山片月寒高樓人不寐半夜望長安

悲秋

須玉澗

名時年十五

十年楚客泣秋風搖落望前景色空此夕愁情何有  
限江頭獨立晚晴中

秋日雜興

谷秀實

号江左逸人

蕭颯秋風入古城為誰夜二報砧聲蠻烟障十年  
苦可耐尊鱸動客情

歲晚得井良重書卻寄

伊長卿

名子車号崆峒山人

京城昔日暫同歡別後青雲路共難客裏雄心空倚  
劍天涯尺素只加餐芳尊萬里河山邈敝褐十年風  
雪寒忽睹荒郊梅樹發擬因驛使報琅玕

呈羽林倉公

全

漢庭大雅正紛二繡虎高名最出群一代復成綿蕞

禮千年堪校石渠文陪遊彩筆雲偏映退食朱輪日  
已曛試問西園飛蓋地誰將八斗謁夫君

失題

全

哀猿皎月一含情道是當年博陸城山上空餘松樹  
大蕭二半夜起風聲

聞雁

筒恒德

号立軒

千里曾江水悠二繞我廬晚天聞雁下未得故人書

禪房避暑

千力之

名諸成号笠澤  
千村總吉時拜

一問招提路來過支道林放歌憐白雪散步憇清陰

好以醉中趣俱論塵外心蕭條禪室裡偏愛納涼溪  
秋日同諸子登城西之郡樓

全

搖落千山爽氣浮相携與子好登樓在名未免阮生  
癖賦筆深憐宋玉愁露下階前夜色淨風回城外石  
聲流予如不遂青雲志欲逐飛蓬事遠遊

寄崆峒君

全

蕭颯高颺木葉催憐者秋色日徘徊露沾草際蟲聲  
切劍没斗間龍氣開燕市無人買駿過蘭臺陪宴賦

風來知君興入悲哉去何讓當時宋玉才

聞笛

全

此夜憶人坐高樓一望愁生興蕭索誰家吹笛偏斷腸故園楊柳盡零落

城南放舟

全

烟波晴動接遙空抱郭江流大海通料得此中漁父趣棹歌催醉入天風

桃花

井文樓

井出健之進時年十一

紅桃偏爛熳何處避秦來竟日徘徊去濯纓春水隈

賀人薦舉

井岐山

井出阿清時年九

今日召賢急恩榮賜御盃楚才即爾輩作賦各登臺

江南曲

宮文忠

號古崖張州人寓京師

垂楊夾野塘家在野塘傍兩々鶯鶯子啼時斷妾腸

登澤大悲閣分韻得涼字

森東發

名景号柳坡森下東人即

相偶晋時侶厭囂集上方雨花飄寂寞祇樹合風光江借裁詩色竹懸避俗涼躊躇吟不盡斜日度寒塘

和答百川君

全

雁飛關塞日歸思倍應頻對月南樓夜寄詩東海濱

青雲看爾輩濁酒足吾身千古連城壁漫投勿愕人



